


T5299/3123 (1)



楚國草堂藏

林鶴齋

楚國草堂藏

杜詩偶評序

杜詩無可選亦不藉評取杜詩而選之而評之凡以考一已所得之淺深而亦為學詩者道以從入之方也竊見往時讀杜諸家貪多者矜與博事必泛引語必捃摭甚或偽造典故以實其說而一二鉤奇喜新之士意主穿鑿辭務支離即尋常景物亦必牽涉諷刺附會忠孝而詩人之天趣亡焉又其甚者強題就法刻舟求劍一繩以後代制義之律而少陵之窮三才毋萬象者遽變為兔園邨夫子矣嗟夫學詩者前望古人方無所憑藉忽得諸

家之說以橫踞於其中不有日讀杜詩而去杜日  
遠者耶黃魯直云予於杜詩欲隨欣然會意處箋  
以數語元裕之云讀杜詩當如九方臯相馬得天  
機於滅沒存亡之間此真得杜之神解者也予少  
喜杜詩而未能即通其義嘗虚心順理密詠恬吟  
以求之不逞泛濫不蹈鑿空尤不敢束縛馳驟惟  
於情境偶會傍通証入處隨手箋釋日月既久漸  
次貫穿即未必果有得於魯直裕之之語如與少  
陵揖讓晤言於千載之上然舛陋踳駁之弊差解  
免焉以此自檢前之所窒後或漸通而吾黨之士

之問途者或不至航斷港絕潢以望至於大海也  
矣全集一千四百餘篇今錄三百餘篇皆聚精會  
神可續風雅者學者深潛而熟復之以次遍覽全  
集雖頽然自放之作皆成大家知杜詩本無可選  
并不藉評則此本爲得魚得兔之筌蹄可也同邑  
潘子森予忘年友也素嗜杜與予同癖任劖劘  
之資并爲發凡起例不欲使此本之湮沒也因牽  
連及之若夫詩史之稱詩聖之目一飯不忘君心  
事前人論之已詳不復稱述云

乾隆丁卯秋八月長洲沈德潛題於京師之澄懷

杜詩偶評凡例

杜詩包含廣大隨人自領李九我取一徑野花落  
孤邨春水生及渚蒲隨地有邨徑逐門成等語以  
王孟律杜陳繹曾取子規夜啼山竹裂王母晝下  
雲旗翻等語以李長吉律杜近日詩家專稱重碧  
拈春酒輕紅擘荔支競將明媚色偷眼豔陽天楚  
江巫峽半雲雨清簟疎簾看奕棋等語又引入溫  
飛卿一路去也歸愚先生不專一體取其與風雅  
騷人相表裏者獨得少陵性情面目

讀杜詩者取其格之高辭之典氣之昌鋪陳排比

之倫敘而作詩之旨莫窺猶未嘗讀也欲知人論世當於許身稷契致君堯舜念松柏於邛山哭故交於旅櫬與夫悵弟妹之流離懷妻孥之阻絕一切興觀羣怨事父事君之處求之先生所選所評總之不失此意

夔州以後詩黃魯直盛稱朱子比之掃殘毫穎謂衆人見魯直說好也說好直是矮人看場蓋其生硬頽秃處不碍其爲大家然不善學者專於此中求杜恐失杜詩之真也選中五言古體夔州以後所收從略○七言近體夔州後尤工如秋興諸將

詠懷古跡等篇所云老去漸於詩律細也此又不可一例

五言長律起於六韻後漸次恢擴至少陵而滔滔百韻矣然句意不無重複兼有重韻雖少陵之才大如海不能成連城壁也選中所收皆二十韻以下者

絕句以龍標供奉爲絕調少陵以古體行之倔强直戇不受束縛固是獨出一頭然含意未申之旨漸以失矣先生特取遠神遠韻數章

詩貴不著圈點不加評釋然學詩者得之正如疎

通骨節洗刷眉目可從此悟入也本中圈點專取其精神團結處評釋專標其段落分明用意微遠及與史書印證處若句櫛字比有錢蒙叟朱愚庵張邇可仇滄柱諸公本在

杜詩辭句多兩見者全集每竝存於注一作某字一作某字茲從各本參考擇其善者從之不必岐學者心目也

字有一字幾音者恐混讀者多習焉不覺茲隨四聲圈出使讀者一覽了然

字有向來誤書及混書者如爛漫之誤爛慢案爛

漫見王文考魯靈光殿賦慢字徧考說文玉篇等書無此字也勦絕之勦從刀勦說之勦同鈔從力近人不復辨別矣類此者甚多已經一一校正去取評點皆先生斟酌茲特就平日與聞議論處申言之惟校定字音及訂正向時謬譌之字承松於此少相助焉

長洲潘承松森千氏識



杜詩偶評卷一目錄

五言古詩七十九首

遊龍門奉先寺

望嶽

奉呈韋左丞丈二十二韻

同諸公登慈恩寺塔

示從孫濟

前出塞九首

送高三十五書記十五韻

奉同郭給事湯東靈湫作

後出塞五首

自京赴奉先縣詠懷五百字

述懷

塞蘆子

送長孫九侍御赴武威判官

送樊二十三侍御赴漢中判官

送從弟亞赴河西判官

送韋十六評事充同谷郡防禦判官

彭衙行

北征

玉華宮

九成宮

羌邨三首

義鶻行

畫鶻行

贈衛八處士

新安吏

潼關吏

石壕吏

新婚別

木言何言卷一  
二  
垂老別

無家別

夏日歎

夏夜歎

留花門

西枝邨尋置草堂地夜宿贊公土室二首

佳人

夢李白二首

鐵堂峽

鹽井

寒碇

法鏡寺

青陽峽

石龕

鳳凰臺

萬丈潭

木皮嶺

桔柏渡

水會渡

飛仙閣

龍門閣

劍門

成都府

遭田父泥飲美嚴中丞

揚旗

通泉驛南去通泉縣十五里山水作

過郭代公故宅

山寺

太子張舍人遺織成褥段

草堂

四松

暇日小園散病將種秋菜督勤耕牛兼書觸

目

述古

送重表姪王砮評事使南海

望嶽

杜詩偶評卷一目錄



杜詩偶評卷一

長洲沈德潛稿士纂

後學潘承松森千校閱

五言古詩

遊龍門奉先寺

即伊闕一名龍門非禹貢河東之龍門也

已從招提遊。更宿招提境。陰壑生虛籟。月林散清

影。天闕象緯逼。雲臥衣裳冷。欲覺聞晨鐘。令人發

深省。招提即今十方住持寺院

望岳

岱宗夫如何。齊魯青未了。造化鍾神秀。陰陽割昏

曉。盪胸生層雲。決眇入歸鳥。會當凌絕頂。一覽衆

五言寫望字七八翻繳望字

賦開草堂

四句作冒

中辰自叙

駢辭

以下贈章入得陡健

山小

奉呈章左丞文二十二韻

紉袴不餓死。儒冠多誤身。文人試靜聽。賤子請具

陳甫昔少年。日早充觀國。賓讀書破萬卷。下筆如

有神。賦料揚雄敵。詩看子建親。李邕求識面。王翰

願卜鄰。自謂頗挺出。立登要路津。致君堯舜上。再

使風俗淳。此意竟蕭條。行歌非隱淪。騎驢三十載。

旅食京華春。朝扣富兒門。暮隨肥馬塵。殘盃與冷

炙。到處潛悲辛。主上頃見徵。歛然欲求伸。青冥却

垂翅。蹭蹬無縱鱗。甚愧丈人厚。甚知丈人真。每於

杜詩集卷一

百僚上。猥誦佳句新。竊效貢公喜。難甘原憲貧。焉  
能心怏怏。祇是走踈踈。今欲東入海。即將西去秦。  
尚憐終南山。回首清渭濱。常擬報一飯。況懷辭大  
臣。白鷗沒浩蕩。萬里誰能馴。  
抱負如此。終遭阻抑。然其去也。無怨懟之辭。有遲遲我行之意。可謂溫  
柔敦厚矣。作詩須得此意。末見浩然一往。雖知已亦不能留。感與潔  
身有竝行不  
悖者在也。

同諸公登慈恩寺塔

原注時高適  
薛據先有作

高標跨蒼穹。烈風無時休。自非曠士懷。登茲翻百

憂。方知象教力。足可追冥搜。仰穿龍蛇窟。始出枝

撐幽。七星在北戶。河漢聲西流。羲和鞭白日。少昊

前段虛寫中段實寫末  
段登臨而有感

賦閒草堂

回首四句感時事黃鶴四句感  
自己因塔高所見之遠故及蒼  
松莫倚即黃鶴鴻亦即如塔  
時所見為比絕非拋荒題面

物米四句去一弄一視不可  
求全責備而傷根本節  
事為此大要濟與公素有小  
極故以此示之

出門日已遠而不受人欺以死相  
敵也輕生以此不念其骨肉乎  
然男兒死且無時何暇計骨肉  
其以四生生意要其極生也  
悲苦之極也

改四乃強為勸勵之詞

行清秋。秦山忽破碎。涇渭不可求。俯視但一氣焉。  
能辨皇州迴。首叫虞舜蒼梧雲。正愁惜哉。瑤池飲  
日晏。崑崙邱黃鵠去。不息哀鳴何所投。君看隨陽  
雁。各有稻梁謀。  
以。下。鬱。鬱。碑。碑。不。敢。明。言。故。托。瑤。池。飲。日。晏。之。所。謂。百。憂。也。然。亦。不。必。遂。句。指。實。恐。轉。失。雁。之。樂。

示從孫濟

平明跨驢出。未知適誰門。權門多噂沓。且復尋諸  
孫。諸孫貧無事。客舍如荒邨。堂前自生竹。堂後自  
生萱。萱草秋已死。竹枝霜不蕃。淘米少汲水。汲多  
井水渾。刈葵莫放手。放手傷葵根。阿翁懶惰久。覺  
兒行步奔。所來為宗族。亦不為盤飧。小人利口實

薄俗難具論。勿受外嫌猜。同姓古所敦。

前出塞九首

應是哥舒翰  
征吐蕃時作

戚戚去故里。悠悠赴交河。公家有程期。亡命嬰禍  
羅。君已富土境。開邊一何多。棄絕父母恩。吞聲行  
負戈。

出門日已遠。不受徒旅欺。骨肉恩豈斷。男兒死無  
時。走馬脫纜頭。手中挑青絲。捷下萬仞岡。俯身試  
搴旗。

心緒之亂也

磨刀鳴咽水。水赤刃傷手。欲輕腸斷聲。心緒亂已  
久。丈夫誓許國。憤惋復何有。功名圖麒麟。戰骨當

更動心之有身猶云  
逃不了我也

速朽。

送徒既有長遠。成亦有身。生死向前去。不勞更怒。  
嘆路逢相識人。附書與六親。哀哉兩決絕。不復同  
苦辛。

迢迢萬餘里。領我赴三軍。軍中異苦樂。主將寧盡

間。隔河見胡騎。倏忽數百羣。我始為奴僕。幾時樹

功勳。

挽弓當挽強。用箭當用長。射人先射馬。擒賊先擒

王。殺人亦無限。立國自有疆。苟能制侵陵。豈在多

殺傷。

漢魏歌謠。諸本殺人亦有限。惟文待詔作殺人亦無限。以開合語出之。較有味。文云古本皆然。從之。

驅馬天雨雪。軍行入高山。徑危抱寒石。指落層冰

間。已去漢月遠。何時築城還。浮雲暮南征。可望不

可攀。

前云不復同苦辛矣。此復遙望南鄉。有不能決絕者存也。

單于寇我壘。百里風塵昏。雄劍四五動。彼軍為我

奔。虜其名王歸。繫頸授轅門。潛身備行列。一勝何

足論。

註已引起下字

從軍十年餘。能無分寸功。眾人貴苟得。欲語羞雷

同。中原有鬪爭。況在狄與戎。丈夫四方志。安可辭

結學魏人然。殊未得

以下三章皆摹擬願望之詞  
非求其入也

當時亦有冒功名故以此  
諷之



固窮。

不願苟得不辭固窮此儒將本領卒伍中有此人耶。合九章成章法杜詩中多此體。

送高三十五書記十五韻

崆峒小麥熟且願休王師請公問主將焉用窮荒  
如見豪士  
 為饑鷹未飽肉側翅隨人飛高生跨鞍馬有似幽  
詩中問答本  
 并兒脫身簿尉中始與捶楚辭借問今何官觸熱  
古詩府  
 向武威答云一書記所愧國士知人實不易知更  
 須慎其儀十年出募人自可持旌麾此行既特達  
 足以慰所思男兒功名遂亦在老大時常恨結歡  
 淺各在天一涯又如參與商慘慘中腸悲驚風吹

頓挫

鴻鵠不得相追隨黃塵翳沙漠念子何當歸邊城  
 有餘力早寄從軍詩

奉同郭給事湯東靈湫作

東山氣濛鴻宮殿居上頭君來必十月樹羽臨九  
 州陰火煮玉泉噴薄漲巖幽有時浴赤日光抱空  
 中樓閣風入轍跡曠原延冥搜沸天萬乘動觀水  
 百丈湫幽靈斯可怪王命官屬休初聞龍用壯擘  
 石摧林邱中夜窟宅改移因風雨秋倒懸瑤池影  
 屈注滄江流味如甘露漿揮弄滑且柔翠旗澹偃  
 蹇雲車紛少留簫鼓蕩四溟異香泱泱浮鮫人獻

首序記應募者事  
上二句從軍 其行色  
立功下二句送行壯  
其行色

形容抄極軍中乞  
象宛然

此章以人重高勳句  
為主望知遂使以中為聯

亦所謂上行下效  
亦所謂上行下效

仇云此處抄於教也八句  
一發

微。緜。曾。祝。沉。豪。牛。百。祥。奔。盛。明。古。先。莫。能。儔。坡。陀。  
金。蝦。蟆。出。見。蓋。有。由。至。尊。顧。之。笑。王。母。不。肯。收。復。  
歸。虛。無。底。化。作。長。黃。虵。飄。飄。青。瑣。郎。文。彩。珊。瑚。鉤。  
浩。歌。淶。水。曲。清。絕。聽。者。愁。

後出塞五首  
應是祿山構禍  
奚契丹時作

男。兒。生。世。間。及。壯。當。封。侯。戰。伐。有。功。業。焉。能。守。舊。  
邱。召。募。赴。薊。門。軍。動。不。可。留。千。金。買。馬。鞍。百。金。裝。  
刀。頭。閭。里。送。我。行。親。戚。擁。道。周。斑。白。居。上。列。酒。酣。  
進。庶。羞。少。年。別。有。贈。含。笑。看。吳。鉤。  
朝。進。東。門。營。暮。上。河。陽。橋。落。日。照。大。旗。馬。鳴。風。蕭。

蕭。平。沙。列。萬。幕。部。伍。各。見。招。中。天。懸。明。月。令。嚴。夜。  
寂。寥。悲。笳。數。聲。動。壯。士。慘。不。驕。借。問。大。將。誰。恐。是。  
霍。嫖。姚。

寫軍容之盛軍令之嚴如  
干將莫耶出匣寒光相向

古。人。重。守。邊。今。人。重。高。勳。豈。知。英。雄。主。出。師。巨。長。  
雲。六。合。已。一。家。四。夷。且。孤。軍。遂。使。貔。虎。士。奮。身。勇。  
所。聞。拔。劍。擊。大。荒。日。收。胡。馬。羣。誓。開。玄。冥。北。持。以。  
奉。吾。君。

吳興 契丹 為兩蕃

獻。凱。日。繼。踵。兩。蕃。靜。無。虞。漁。陽。豪。俠。地。擊。鼓。吹。笙。  
等。雲。帆。轉。遼。海。粳。稻。來。東。吳。越。羅。與。楚。練。照。耀。輿。

此章褒軍士之不從  
逆者

臺。軀。主。將。位。益。崇。氣。驕。凌。上。都。邊。人。不。敢。議。議。者。  
死。路。衢。

我。本。良。家。子。出。師。亦。多。門。將。驕。益。愁。思。身。貴。不。足。  
論。躍。馬。二。十。年。恐。孤。明。主。恩。坐。見。幽。州。騎。長。驅。河。  
洛。昏。中。夜。聞。道。歸。故。里。但。空。邨。惡。名。幸。脫。免。窮。老。  
無。兒。孫。

人人皆欲趨賞立功而一人獨求脫惡名願立節不願從叛逆也未章特表而出之。俗作恐辜明主恩非孤恩無辜恩如陵雖孤恩可証也

自京赴奉先縣詠懷五百字  
天寶十四載冬十月上幸華清宮十一月

祿山反詩應作於將反時

杜。陵。有。布。衣。老。大。意。轉。拙。許。身。一。何。愚。竊。比。稷。與。

通篇作三大段為首明

李賀志去國之情中快君  
臣耽樂之失未述到家  
哀苦之感

契。居。然。成。獲。落。白。首。甘。契。澗。蓋。棺。事。則。已。此。志。常。

覲。豁。窮。年。憂。黎。元。歎。息。腸。內。熱。取。笑。同。學。翁。浩。歌。

彌。激。烈。非。無。江。海。志。蕭。灑。送。日。月。生。逢。堯。舜。君。不。

忍。便。永。訣。當。今。廊。廟。具。構。厦。豈。云。缺。葵。藿。傾。太。陽。

物。性。固。莫。奪。顧。惟。螻。蟻。輩。但。自。求。其。穴。胡。為。慕。大。

鯨。輒。擬。偃。溟。渤。以。茲。悟。生。理。獨。恥。事。干。謁。兀。兀。遂。

至。今。忍。為。塵。埃。沒。終。愧。巢。與。由。未。能。易。其。節。沉。飲。

聊。自。遣。放。歌。破。愁。絕。歲。暮。百。草。零。疾。風。高。岡。裂。天。

衢。陰。崢。嶸。嶰。客。子。中。夜。發。霜。嚴。衣。帶。漸。短。不。得。結。

凌。晨。過。驪。山。御。榻。在。帶。嶺。蚩。尤。塞。寒。空。蹴。踏。崖。谷。

二句頌下一段直至惆悵  
雜再述句

賦閒草堂

難遂其言自有風骨

議論夾叙乃行史以筆仗

詠懷結詠懷起中間叙

自叙起事先忽夾入魏山

一段極寫奢靡困弊生民

正是憂黎元實際

改有句搭入自己以起下段暗

承于前嚴二句末

遞下

末句掉到憂黎元作結真是希稷契人語

此詩在詩集見天子尚未還家因傷社亂致

滑瑤池氣鬱律羽林相摩夏君臣留歡娛樂動殷  
 膠葛賜浴皆長纓與宴非短褐彤庭所分帛本自  
 寒女出鞭撻其夫家聚斂真城闕聖人筐篚恩實  
 欲邦國活臣如忽至理君豈棄此物多士盈朝廷  
 仁者宜戰慄況聞內金盤盡在衛霍室中堂有神  
 仙煙霧蒙玉質煖客貂鼠裘悲管逐清瑟勸客駝  
 蹄羹霜橙壓香橘朱門酒肉臭路有凍死骨榮枯  
 咫尺異惆悵難再述北轅就涇渭官渡又改轍羣  
 冰從西下極目高崒兀疑是崆峒來恐觸天柱折  
 河梁幸未圯枝撐聲窸窣行李相攀援川廣不可

越老妻寄異縣十口隔風雪誰能久不顧庶往共  
 饑渴入門聞號咷幼子饑已卒吾寧捨一哀里巷  
 亦鳴咽所愧為人父無食致天折豈知秋禾登貧  
 窶有倉卒生常免租稅名不隸征伐撫跡猶酸辛  
 平人固騷屑默思失業徒因念遠戍卒憂端齊終  
 南澗洞不可掇

前做抱負次述道途所經未述到家情事身際困窮心憂天下自是希稷契人語也中間敘事夾議論以行此種詩深得變雅之體。此篇及北征因長篇畫分段落

述懷

去年潼關破妻子隔絕久今夏草木長脫身得西

賦閒草堂

楚家室不知能保全否故  
作訪以述其懷也身墮賊  
則懷天子既見天子旋合室  
家此皆三理之入情之也老  
杜所以獨得三百之意也

走麻鞋見天子。衣袖露兩肘。朝廷慙生還。親故傷  
老醜。涕淚受拾遺。流離主恩厚。柴門雖得去。未忍  
即開口。寄書問三川。不知家在否。比聞同罹禍。殺  
戮到雞狗。山中漏茅屋。誰復依戶牖。摧頽蒼松根。  
地冷骨未朽。幾人全性命。盡室豈相偶。欽峯猛虎  
場鬱結迴我首。自寄一封書。今已十月後。反畏消  
息來。寸心亦何有。漢運初中興。生平老耽酒。沉思  
歡會處。恐作窮獨叟。

反畏消息來二語妙在反接若云不見消息來意淺薄矣作詩須如此  
用筆。陸德明釋左傳序中興丁仲反音眾理當興也前人俱作眾音

塞蘆子

屯兵以塞  
此關也

五城何迢迢。迢迢隔河水。邊兵盡東征。城內空荆  
杞。思明割懷衛。秀巖西未已。迴略大荒來。峭函蓋  
虛爾。延州秦北戶。關防猶可倚。焉得一萬人。疾驅  
塞蘆子。岐有薛大夫。傍制山賊起。近聞昆戎徒。為  
退三百里。蘆關扼兩寇。深意實在此。誰能叫帝闈。  
胡行速如鬼。

結意見宜急為制防否則如  
鬼之速西來恐不及禦也

送長孫九侍御赴武威判官

驄馬新鑿蹄。銀鞍被來好。繡衣黃白郎。騎向交河  
道。問君適萬里。取別何草草。天子憂涼州。嚴程到

須早。去秋羣胡反。不得無電掃。此行牧遺氓。風俗  
 方再造。族父領元戎。名聲國中老。奪我同官良。飄  
 飄按城堡。使我不能餐。令我惡懷抱。若人才思濶。  
 溟漲浸絕島。樽前失詩流。塞上得國寶。皇天悲送  
 遠。別有○力雲雨白浩浩。東郊尚烽火。朝野色枯槁。西極柱  
 亦傾。如何正穹昊。

送樊二十三侍御赴漢中判官

威弧不能弦。自爾無寧歲。川谷血橫流。豺狼沸相  
 噬。天子從北來。長驅振凋敝。頓兵岐梁下。却跨沙  
 漠裔。二京陷未收。四極我得制。蕭索漢水清。緬通

淮河稅。使者紛星散。王綱尚旒綴。南伯從事賢。君  
 行立談際。坐知七曜歷。手畫三軍勢。冰雪淨聰明。  
 雷霆走精銳。幕府綴諫官。朝廷無此例。至尊方旰  
 食。仗爾布嘉惠。補闕暮徵入。柱史晨征憩。正當艱  
 難時。實藉長久計。迴風吹獨樹。白日照執袂。慟哭  
 蒼煙根。山門萬重閉。居人莽牢落。遊子方迢遞。徘  
 徊悲生離。局促老一世。陶唐歌遺民。後漢更列帝。  
 我無匡復資。聊欲從此逝。

送從弟亞赴河西判官

南風作秋聲。殺氣薄炎熾。盛夏鷹隼擊。時危異人

本言何言卷一  
至今第草中來。蒼然請論事。詔書引上殿。奮舌動  
天意。兵法五十家。爾腹為篋笥。應對如轉丸。疎通  
略文字。經綸皆新語。足以正神器。宗廟尚為灰。君  
臣俱下淚。崆峒地無軸。青海天軒輕。西極最瘡痍。  
連山暗烽燧。帝曰大布衣。藉卿佐元帥。坐看清流  
沙。所以子奉使。歸當再前席。適遠非歷試。須存武  
威郡。為畫長久利。孤峰石戴驛。快馬金纏轡。黃羊  
飫不羶。蘆酒多還醉。踴躍常人情。慘澹苦士志。安  
邊敵何有。反正計始遂。吾聞駕鼓車。不合用騏驥。  
龍吟迴其頭。夾輔待所致。

送韋十六評事充同谷郡防禦判官

昔沒賊中時。潛與子同遊。今歸行在所。王事有去  
留。逼側兵馬間。主憂急良籌。子雖軀幹小。老氣橫  
九州。挺身艱難際。張目視寇讐。朝廷壯其節。奉詔  
令參謀。鑾輿駐鳳翔。同谷為咽喉。西扼弱水道。南  
鎮枹罕陬。此邦承平日。剽劫吏所羞。況乃胡未滅。  
控帶莽悠悠。府中韋使君。道足示懷柔。令姪才俊  
茂。二美又何求。受詞太白脚。走馬仇池頭。古色沙  
土裂。積陰雪雲稠。羌父豪猪靴。羌兒青兕裘。吹角  
向月窟。蒼山旌旆愁。鳥驚出死樹。龍怒拔老湫。古

來無人境。今代橫戈矛。傷哉文儒士。憤激馳林邱。  
中原正格鬪。後會何緣由。百年賦命定。豈料沉與  
浮。且復戀良友。握手步道周。論兵遠壑靜。亦可縱  
冥搜。題詩得秀句。札翰時相投。

彭衙行

○通○音 退 敘○故 用 憶 音 二○字 領 起  
憶昔避賊初。北走經險艱。夜深彭衙道。月照白水  
山。盡室久徒步。逢人多厚顏。參差谷鳥吟。不見遊  
子還。癡女饑齧我。啼畏虎狼聞。懷中掩其口。反側  
聲愈嗔。小兒強解事。故索苦李餐。一旬半雷雨。泥  
濘相牽攀。既無禦雨備。徑滑衣又寒。有時經契濶。

竟日數里間。野果充糗糧。卑枝成屋椽。早行石上  
水。暮宿天邊煙。少留同家窪。欲出蘆子關。故人有  
孫宰。高義薄曾雲。延客已曛黑。張燈啓重門。煖湯  
濯我足。剪紙招我魂。從此出妻孥。相視涕闌干。衆  
雛爛漫睡。喚起沾盤飧。誓將與夫子。永結為弟昆。  
遂空所坐堂。安居奉我歡。誰肯艱難際。豁達露心  
肝。別來歲月周。胡羯仍構患。何當有翅翎。飛去墮  
爾前。

北征

公家鄜州在鳳翔東北故  
云北征○時諫房琯事後

皇帝二載秋。閏八月初吉。杜子將北征。蒼茫問家



室維時遭艱虞。朝野少暇日。顧慙恩私被。詔許歸蓬華。拜辭詣闕下。怵惕久未出。雖乏諫諍姿。恐君有遺失。君誠中興主。經緯固密勿。東胡反未已。臣甫憤所切。揮涕戀行在。道途猶恍惚。乾坤含瘡痍。憂虞何時畢。靡靡踰阡陌。人煙眇蕭瑟。所遇多被傷。呻吟更流血。迴首鳳翔縣。旌旗晚明滅。前登寒山重。屢得飲馬窟。邠郊入地底。涇水中蕩潏。猛虎立我前。蒼崖吼時裂。菊垂今秋花。石戴古車轍。青雲動高興。幽事亦可悅。山果多瑣細。羅生雜橡栗。或紅如丹砂。或黑如點漆。雨露之所濡。甘苦齊結

本言作言卷一

三

實。緬思桃源內。益歎身世拙。坡陀望鄜時。巖谷互出沒。我行已水濱。我僕猶木末。鳴鳥鳴黃桑。野鼠拱亂穴。夜深經戰場。寒月照白骨。潼關百萬師。往者散何卒。遂令半秦民。殘害為異物。況我墮胡塵。以下敘及歸盡華髮。經年至茅屋。妻子衣百結。慟哭松聲迴。悲泉共幽咽。平生所嬌兒。顏色白勝雪。見耶背面啼。垢膩脚不襪。牀前兩小女。補綻才過膝。海圖拆波濤。舊繡移曲折。天吳及紫鳳。顛倒在裋褐。老夫情懷惡。歐泄臥數日。那無囊中帛。救汝寒凜慄。到家後粉黛亦解苞。衾裯稍羅列。瘦妻面復光。癡女頭自

杜詩馬平卷一

三

賦閒草堂

薪悟出

櫛學母無不為曉妝隨手抹移時施朱鉛狼籍畫

眉潤生還對童稚似欲忘饑渴問事競挽鬚誰能

即嘆喝翻思在賊愁甘受雜亂聒新歸且慰意生

理焉得說到家後悲喜交集詞尚未了忽然至尊尚蒙塵幾日休練卒仰觀天色改

坐覺妖氛豁陰風西北來慘澹隨回鶻其王願助

順其俗善馳突送兵五千人驅馬一萬匹此輩少

為貴四方服勇決所用皆鷹騰破敵過箭疾聖心

頗虛佇時議氣欲奪伊洛指掌收西京不足拔官

軍請深入蓄銳伺俱發此舉開青徐旋瞻略恒碣

昊天積霜露正氣有肅殺禍上轉亡胡歲勢成擒胡

本言

三

月胡命其能久皇綱未宜絕憶昨狼狽初事與古

先別於君衰姐應是妹姐女臣竟菹醢同惡隨蕩析不聞夏殷衰中自

誅褒姒周漢獲再興宣光果明哲桓桓陳將軍仗

鉞奮忠烈微爾人盡非於今國猶活淒涼大同殿

寂寞白獸闈都人望翠華佳氣向金闕園陵固有

神灑掃數不缺煌煌太宗業樹立甚宏達

短篇突然而起悠然而止不必另綴起結長篇必鋪敘有倫起結整齊方為合格讀杜詩須從此等大篇著意漢魏以來未有此格少陵特為開出公之忠愛謀略具見詩史詩聖應以此等目之

玉華宮 貞觀 時建

故宮淒涼之况後廢為寺故云不知溪迴松風長蒼鼠竄古瓦不知何王殿遺構絕壁

賦聞草堂

下陰房鬼火青壤道哀湍瀉萬籟真笙竽秋色正  
蕭灑美人為黃土況乃粉黛假當時侍金輿故物  
獨石馬憂來藉草坐浩歌淚盈把冉冉征途間誰  
是長年者

九成宮

本隋仁壽宮太宗脩之以避暑因更名

蒼山入百里崖斷如杵臼曾宮憑風迴岌業土囊  
口立神扶棟梁鑿翠開戶牖其陽產靈芝其陰宿  
牛斗紛披長松倒揭嶭怪石走哀猿啼一聲客淚  
迸林藪荒哉隋家帝製此今頽朽有後車之戒向使國不亡焉  
為巨唐有雖無新增脩尚置官居守巡非瑤水遠

跡是雕牆後我行屬時危仰望嗟歎久天王守太  
白太白山駐馬更搔首

羌邨三首

崢嶸赤雲西日脚下平地柴門鳥雀噪歸客千里  
至妻孥怪我在驚定還拭淚拭淚最真世亂遭飄蕩生還偶  
然遂鄰人滿牆頭感歎亦歔歔不冉添語夜闌更秉燭相對  
如夢寐高絕

晚歲迫偷生還家少歡趣嬌兒不離膝畏我復却  
去憶昔好追涼故繞池邊樹蕭蕭北風勁撫事煎  
百慮賴知禾黍收已覺糟牀注如今足斟酌且用

慰遲暮

羣雞正亂邪落景叫客至雞鬪爭驅雞上樹本始聞叩柴

荆父老四五人問我久遠行存問也手中各有攜傾榼濁

復清苦辭酒味薄黍地無人耕荒亂之苦從父老口中傳出兵革既未息兒童

盡東征請為父老歌此少陵歌也艱難愧深情歌罷仰天歎四

座淚縱橫

三章字字從肺腑鏤出又似人人所能道者變風之義歟漢京之音歟

義鶻行

陰崖二蒼鷹養子黑柏顛白蛇登其巢吞噬恣朝餐雄飛遠求食雌者鳴辛酸力強不可制黃口無

半存其父從西歸翻身入長煙斯須頌健鶻痛憤

寄所宣斗上揆孤影嗽哮來九天脩鱗脫遠枝巨

顛折老拳高空得蹭蹬短草辭蜿蜒折尾能一掉

飽腸皆已穿生雖滅衆雛死亦垂千年物情有報

復快意貴目前茲實鷲鳥最急難心炯然功成失

所往用舍何其賢近經滴水涸連之却賞此事樵夫傳飄蕭

覺素髮凜欲衝儒冠人生許與分又如延陵挂劍只在顧盼間聊

為義鶻行用激壯士肝

畫鶻行

高堂見生鶻颯爽動秋骨初驚無拘攣何得立突

兀乃知畫師妙巧。刮造化窟。寫此神俊姿。充君眼中物。烏鵲滿樛枝。軒然恐其出。側腦看青霄。寧為眾禽沒。長翮如刀劍。人寰可超越。乾坤空崢嶸。粉墨且蕭瑟。緬思雲沙際。自有煙霧質。吾今意何傷。顧步獨紆鬱。

贈衛八處士

人生不相見。動如參與商。驚喜之句今夕復何夕。共此燈燭光。少壯能幾時。鬢髮各已蒼。訪舊半為鬼。驚呼熱中腸。焉知二十載。重上君子堂。昔別君未婚。男女忽成行。怡然敬父執。問我來何方。問答未及已。驅

兒羅酒漿。夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山嶽。世事兩茫茫。

新安吏

以下六詩皆言相州師潰後事

客行新安道。喧呼聞點兵。借問新安吏。縣小更無

丁。丁也府帖昨夜下。次選中男行。中男絕短小。何以守

王城。肥男有母送。瘦男獨伶俜。白水暮東流。青山

猶哭聲。莫自使眼枯。收汝淚縱橫。眼枯却見骨。天

地終無情。我軍取相州。日夕望其平。豈意賊難料。

歸軍星散營。就糧近故壘。練卒依舊京。掘壕不到

水。牧馬役亦輕。況乃王師順撫。養甚分明。送行勿  
泣。血僕射如父兄。

此指郭子儀  
諸詠身所見聞事。運以古樂府神理。驚心動魄。疑鬼疑神。千古誰能措手。

潼關吏 此相州敗後築潼關以備寇也

士卒何草草。築城潼關道。大城鐵不如。小城萬丈  
餘。借問潼關吏。脩關還備胡。要我下馬行。爲我指  
山隅。連雲列戰格。飛鳥不能踰。胡來但自守。豈復  
憂西都。丈人視要處。窄狹容單車。艱難奮長戟。萬  
古用一夫。哀哉桃林戰。百萬化爲魚。請囑防關將。  
慎勿學哥舒。

石壕吏

暮投石壕村。有吏夜捉人。老翁踰牆走。老婦出門  
看吏呼。一何怒。婦啼一何苦。聽婦前致詞。三男鄴  
城戍。一男附書至。二男新戰死。存者且偷生。死者  
長已矣。室中更無人。惟有乳下孫。有孫母未去。出  
入無完裙。老嫗力雖衰。請從吏夜歸。急應河陽役。  
猶得備晨炊。夜久語聲絕。如聞泣幽咽。天明登前  
途。獨與老翁別。

韻不必用  
真文元寒刪先本  
上老婦之詞  
老翁逃在前途  
老婦隨吏去  
獨與翁別也  
古者有兄弟始遣一人從軍。今盡役壯丁及於老幼。婦女民不堪命矣。

新婚別

兔絲附蓬麻引蔓故不長。嫁女與征夫不如棄路  
 傍。結髮為君妻。席不煖君牀。暮婚晨告別。無乃太  
 愨忙。君行雖不遠。守邊赴河陽。妾身未分明。何以  
 拜姑嫜。父母養我時。日夜令我藏。生女有所歸。雞  
 狗亦得將。君今往死地。沉痛迫中腸。誓欲隨君去。  
 形勢反蒼黃。勿為新婚念。努力事戎行。婦人在軍  
 中。兵氣恐不揚。自嗟貧家女。久致羅襦裳。羅襦不  
 復施。對君洗紅妝。仰視百鳥飛。大小必雙翔。人事  
 多錯迕。與君永相望。

與東山零雨之詩並讀時之盛衰可知矣。君今往死地以下層層轉  
 換皆發乎情止乎禮義之語真得國風之旨所謂言奪蘇李氣吞曹劉

者洵非  
 虛美

垂老別

四郊未寧靜。垂老不得安。子孫陣亡盡。焉用身獨  
 完。投杖出門去。同行為辛酸。幸有牙齒存。所悲骨  
 髓乾。男兒既介冑。長揖別上官。老妻臥路啼。歲暮  
 衣裳單。孰知是死別。且復傷其寒。此去必不歸。還  
 聞勸加餐。土門壁甚堅。杏園度亦難。勢異鄴城下。  
 縱死時猶寬。人生有離合。豈擇衰盛端。憶昔少壯  
 日。遲迴竟長歎。萬國盡征戍。烽火被岡巒。積屍草  
 木腥。流血川原丹。何鄉為樂土。安敢尚盤桓。棄絕

蓬室居塌然摧肺肝。

有敵。悔勤。王。意。  
魏公子救趙。令獨子無兄弟者歸養。今子孫亡盡。垂老從戎。世事亦可傷已。

無家別

寂寞天寶後。園廬但蒿藜。我里百餘家。世亂各東西。存者無消息。死者為塵泥。賤子因陣敗。歸來尋舊蹊。久行見空巷。日瘦氣慘悽。但對狐與狸。豎毛怒我啼。四鄰何所有。一二老寡妻。宿鳥戀本枝。安辭且窮棲。方春獨荷鋤。日暮還灌畦。縣吏知我至。召令習鼓鼙。雖從本州役。內顧無所攜。近行止一身。遠去終轉迷。家鄉既盪盡。遠近理亦齊。永痛長

病母五年委溝谿。生我不得力。終身兩酸嘶。人生無家別。何以為蒸藜。

夏日歎

夏日出東北。陵天經中街。朱光徹厚地。鬱蒸何由開。上蒼久無雷。無乃號令乖。雨降不濡物。良田起黃埃。飛鳥苦熱死。池魚涸其泥。萬人尚流冗。舉目惟蒿萊。至今大河北。化作虎與豺。浩蕩想幽薊。王師安在哉。對食不能餐。我心殊未諧。眇然貞觀初。難與數子偕。

夏夜歎



永日不可暮。炎蒸毒我腸。安得萬里風。飄飄吹我裳。昊天出華月。茂林延疎光。仲夏苦夜短。開軒納微涼。虛明見纖毫。羽蟲亦飛揚。物情無巨細。自適固其常。念彼荷戈士。窮年守邊疆。何由一洗濯。此意熱互相望。竟夕擊刁斗。喧聲連萬方。青紫雖被體。不如早還鄉。北城悲笳發。鶴鶴號且翔。况復煩促倦。激烈思時康。

留花門

花門堡在回紇地方時回紇留兵沙苑故以留花門為題

花門天驕子。飽肉氣勇決。高秋馬肥健。挾矢射漢月。自古以為患。詩人厭薄伐。脩德使其來。羈縻固

不絕。胡為傾國至。出入暗金闕。中原有驅除。隱忍用此物。公主歌黃鵠。君王指白日。連雲屯左輔。百里見積雪。長戟鳥休飛。哀笳曙幽咽。田家最恐懼。麥倒桑枝折。沙苑臨清渭。泉香草豐潔。渡河不用船。千騎常撒烈。胡塵踰太行。雜種抵京室。花門既須留。原野轉蕭瑟。

西枝邨尋置草堂地夜宿贊公土室二首

出郭眄細岑。披榛得微路。溪行一流水。曲折方屢渡。贊公湯休徒。好靜心跡素。昨枉霞上作。盛論巖中趣。怡然共攜手。恣意同遠步。捫蘿澀先登。陟巘

眩反顧。要求陽岡煖。苦涉陰嶺洳。惆悵老大藤。沉吟屈蟠樹。卜居意未展。杖策迴且暮。層巔餘落日。草蔓已多露。

天寒鳥已歸。月出山更靜。土室延白光。松門耿疎影。躋攀倦日短。語樂寄夜永。明然林中薪。暗汲石底井。大師京國舊。德業天機秉。從來支許遊。興趣江湖迴。從京師論此數奇謫關塞。道廣存箕穎。何知戎馬間。復接塵事屏。幽尋豈一路。遠色有諸嶺。晨光稍朦朧。更越西南頂。

前首西枝却尋置草堂此後首夜宿贊公土室此分章體也

佳人

絕代有佳人。幽居在空谷。自云良家子。零落依草木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不插髮。採柏動盈掬。天寒翠袖薄。日暮倚脩竹。

夢李白二首 此白長流夜郎後事

死別已吞聲。生別常惻惻。江南瘴癘地。逐客無消

息。故人入我夢。明我長相憶。恐非平生魂。路遠不可測。魂來楓林青。魂返關塞黑。君今在羅網。何以有羽翼。落月滿屋梁。猶疑照顏色。水深波浪濤。無使蛟龍得。  
浮雲終日行。遊子久不至。三夜頻夢君。情親見君明我長  
相憶情親見君意此兩人精神感通處  
意告歸常局促。苦道來不易。江湖多風波。舟楫恐失隊。出門搔白首。苦負平生志。冠蓋滿京華。斯人獨顛顛。孰云網恢恢。將老身反累。千秋萬歲名。寂寞身後事。

鐵堂峽

一路自秦州赴同谷縣經行

山風吹遊子。縹緲乘險絕。峽形藏堂隍。壁色立積鐵。徑摩穹蒼蟠。石與厚地裂。脩纖無垠竹。嵌空太古始。雪威遲哀壑。底徒旅慘不悅。水寒長冰橫。我馬骨正折。生涯抵弧矢。盜賊殊未滅。飄蓬踰三年。迴首肝肺熱。

鹽井

蜀都賦家有鹽泉之井

鹵中草木白。青者官鹽煙。官作既有程。煮鹽煙在川。汲井歲搨搨。出車日連連。自公斗三百。轉致斛六千。君子慎止足。小人苦喧闐。我何良歎嗟。物理固自然。

寒碇

行邁日悄悄。山谷勢多端。雲門轉絕岸。積阻霾天  
寒。寒碇不可度。我實衣裳單。況當仲冬交。泝沁增  
波瀾。野人尋煙語。行子傍水餐。此生免荷戈。未敢  
辭路難。

法鏡寺

身危適他州。勉強終勞苦。神傷山行深。愁破崖寺  
古。嬋娟碧蘚淨。蕭瑟寒籜聚。回回石根水。冉冉松  
上雨。洩雲蒙清晨。初日翳復吐。朱甍半光炯。戶牖  
粲可數。拄策忘前期。出蘿已亭午。冥冥子規叫。微

徑不敢取。

青陽峽

塞外苦厭山。南行道彌惡。岡巒相經亘。雲水氣參  
錯。林迴碇角來。天窄壁面削。磎西五里石。奮怒向  
我落。仰看日車側。俯恐坤軸弱。魑魅嘯有風。霜霰  
浩漠漠。憶昨踰隴坂。高秋視吳嶽。東笑蓮華卑。北  
知崆峒薄。超然侔壯觀。已謂殷寥廓。突兀猶趁人。  
及茲歎冥漠。

石龕

起勢突得妙。若移在中間。只鋪排常語。  
熊羆咆我東。虎豹號我西。我後鬼長嘯。我前狻又

啼天寒昏無日。山遠道路迷。驅車石龕下。仲冬見時也

虹霓伐竹者誰子。悲歌上雲梯。為官採美箭。五歲

供梁齊。苦云直斡盡。無以充提攜。奈何漁陽騎。颯

颯驚蒸藜。

鳳凰臺 臺在同谷東南十里

亭亭鳳凰臺。北對西康州。西伯今寂寞。鳳聲亦悠

悠。山峻路絕蹤。石林氣高浮。安得萬丈梯。為君上

上頭。恐有無母雛。饑寒日啾啾。我能剖心血。飲啄

慰孤愁。心以當竹實。炯然無外求。血以當醴泉。豈

徒比清流。所重王者瑞。敢辭微命休。坐看綵翮長。

舉意八極周。自天銜瑞圖。飛下十二樓。圖以奉至

尊。鳳以垂鴻猷。再光中興業。一洗蒼生憂。深衷正

為此羣盜何淹留。

無母兒指廣平王倣時王母吳氏生子而亡也。肅宗聽張良娣言已去建寧王倣矣。又欲動搖廣平。賴李泌言之得免。詩意與泌同一指也。

萬丈潭

青溪含冥冥。神物有顯晦。龍依積水蟠。窟壓萬丈

內。跼步凌垠堦。側身下煙靄。前臨洪濤寬。却立蒼

石大。山危一徑盡。崖絕兩壁對。削成根虛無。倒影

垂澹對。黑知灣深底。清見光炯碎。孤雲倒來深。飛

鳥不在外。高蘿成帷幄。寒木疊旌旆。遠川曲通流。

嵌竇潛洩瀨。造幽無人境。五發興自我輩。五告歸遺恨多。將老斯遊最。閉藏脩鱗蟄。出入巨石礙。何當暑天過。快意風雨會。

木皮嶺

一路自隴右赴成都紀行

首路栗亭西。尚想鳳凰邨。季冬攜童稚。辛苦赴蜀門。南登木皮嶺。艱險不易論。汗流被我體。祈寒為之暄。遠岫爭輔佐。千巖自崩奔。始知五嶽外。別有他山尊。孟東野所云南山寒天日月石上生即此景。踞風水昏高。有廢閣道摧。折如短轆。下有冬青林。石上走長根。西崖特秀發。煥若靈芝繁。潤聚金碧

氣清無沙土。痕憶觀崑崙。圖目擊玄圃。存對此欲何適。默傷垂老魂。

桔柏渡

青冥寒江渡。架竹為長橋。竿濕煙漠漠。江永風蕭蕭。連筴動嫋娜。征衣颯飄飄。急流搗鷁散。絕岸鼉鼉驕。西轅自茲異。東逝不可要。高通荆門路。濶會滄海潮。孤光隱顧盼。遊子悵寂寥。無以洗心胸。前登但山椒。

水會渡

山行有常程。中夜尚未安。微月沒已久。崖傾路何

難大江動我前洶若溟渤寬篙師暗理楫歌笑輕  
月沒後光景  
波瀾霜濃木石滑風急手足寒入舟已千憂陟巘  
已渡矣  
仍萬盤迴眺積水外始知眾星乾遠遊令久瘦衰  
乾字不穩而穩  
疾慙加餐

飛仙閣即棧道

土門山行窄微徑緣秋毫棧雲闌干峻梯石結構  
牢萬壑欹疎林積陰帶奔濤寒日外澹泊長風中  
怒號歇鞍在地底始覺所歷高往來雜坐臥人馬  
同疲勞浮生有定分饑飽豈可逃歎息謂妻子我  
何隨汝曹

龍門閣

清江下龍門絕壁無尺土長風駕高浪浩浩自太  
古危途中縈盤仰望垂線縷滑石欹誰鑿浮梁裊  
相拄目眩隕雜花頭風吹過兩百年不敢料一墜  
那得取飽聞經瞿唐足見度大庾終身歷艱險恐  
此數起也  
懼從此數

劍門

惟天有設險劍門天下壯連山抱西南石角皆北  
向兩崖崇墉倚刻畫城郭狀一夫怒臨關百萬未  
可傍珠玉走中原岷峨氣悽愴三皇五帝前雞犬

各相放後王尚柔遠職貢道已喪至今英雄人高  
如公孫述之類  
視見霸王并吞與割據極力不相讓吾將罪真宰  
恐復有竊據事  
意欲鏟疊嶂恐此復偶然臨風默惆悵

成都府

翳翳桑榆日照我征衣裳我行山川異忽在天一  
方但逢新人民未卜見故鄉大江東流去遊子日  
月長曾城填華屋季冬樹木蒼喧然名都會吹簫  
間笙簧信美無與適側身望川梁以鳥雀有歸中  
原杳茫茫初月出不高衆星尚爭光自古有羈旅  
與已之無家  
我何苦哀傷  
語更苦

自秦州至成都諸詩與險清削雄奇荒幻無所不備山川  
詩老兩相觸發宜其有境必搜也鬼斧神斤至於此極

遭田父泥飲美嚴中丞

武為京兆少尹兼御史  
中丞故篇中屢稱尹

步屣隨春風邛邛自花柳田翁逼社日邀我嘗春  
酒酒酣誇新尹畜眼未見有迴頭指大男渠是弓  
弩手名在飛騎籍長番歲時久前日放營農辛苦  
救衰朽差科死則已誓不舉家走今年大作社拾  
遺能住否叫婦開大瓶盆中為我取感此氣揚揚  
須知風化首語多雖雜亂說尹終在口朝來偶然  
出自卯將及酉久客惜人情如何拒鄰叟高聲索  
果粟欲起時被肘指揮過無禮未覺邛野醜月出



遮我留。仍嘆問升斗。

傳出豐厚邨村景象而中丞之美自見若專美中丞便是後人酬應之作

揚旗

原注嚴公置酒公堂觀騎士試新旗幟

江風颯長夏。府中有餘清。我公會賓客。肅肅有異聲。初筵閱軍裝。羅列照廣庭。庭空六馬入。駮駮揚旗旌。迴迴偃飛蓋。熠熠迸流星。來衝風颯急。去擊山嶽傾。材歸俯身盡。妙取略地平。虹霓就掌握。舒卷隨人輕。三州陷犬戎。但見西嶺青。公來練猛士。欲奪天邊城。此堂不易升。庸蜀日已寧。吾徒且加餐。休適蠻與荆。

形容數語與舞劍器篇相似

通泉驛南去通泉縣十五里山水作

溪行衣自濕。亭午氣始散。冬溫蚊蚋在。人遠鳧鴨亂。登頓生層陰。欹傾出高岸。驛樓衰柳側。縣郭輕煙畔。一川何綺麗。盡日窮壯觀。山色遠寂寞。江光夕滋漫。傷時愧孔父。去國同王粲。我生苦飄零。所歷有嗟歎。

過郭代公故宅

豪俊初未遇。其跡或脫略。代公尉通泉。放意何自若。及夫登衮冕。直氣森噴薄。磊落見異人。豈伊常

情度定策神龍後。宮中翕清廓。俄頃辨尊親。指揮存顧託。羣公有慙色。王室無削弱。河出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。精魄凜如在。所歷終蕭索。高詠寶劍篇。神交付冥漠。

俄頃辨尊親二語極狀其敏而能斷杜詩出色處必有此一二語歷服衆人

山寺

原注章留後同遊

野寺根石壁。諸龕遍崔嵬。前佛不復辨。百身一莓苔。雖有古殿存。世尊亦塵埃。如聞龍象泣。足令信者哀。使君騎紫馬。捧擁從西來。樹羽靜千里。臨江

久徘徊。山僧衣藍縷。告訴棟梁摧。公爲顧賓從。咄嗟檀施開。吾知多羅樹。却倚蓮華臺。諸天必歡喜。鬼物無嫌猜。以茲撫士卒。孰曰非周才。窮子失淨處。高人憂禍胎。歲晏風破肉。荒林寒可迴。思量入道苦。自哂同嬰孩。

以茲奉佛之心撫馭士卒豈非引濟天下才乎蓋引之於正也

太子張舍人遺織成褥段

客從西北來。遺我翠織成。開緘風濤湧。中有掉尾鯨。逶迤羅水族。瑣細不足名。客云充君褥。承君終宴榮。空堂魑魅走。高枕形神清。領客珍重意。顧我

非公卿。留之懼不祥。施之混柴荆。服飾定尊卑。大  
哉萬古程。今我一賤老。袒褐更無營。煌煌珠宮物。  
寢處禍所嬰。歎息當路子。干戈尚縱橫。掌握有權  
柄。衣馬自肥輕。李鼎死岐陽。實以驕貴盈。來瑱賜  
自盡。氣豪直阻兵。皆聞黃金多。坐見悔吝生。奈何  
田舍翁。受此厚貺情。錦鯨卷還客。始覺心和平。振  
我麤席塵。愧客茹藜羹。

李鼎之死史未之載來瑒之死出於裴茂之誣然  
侈肆不節實有之也借小物發出正論儆戒不少

### 草堂

昔我去草堂。蠻夷塞成都。今我歸草堂。成都適無

虞請陳初亂時。反覆乃須臾。

服武

入朝

徐知

大將赴朝廷。羣小起

異圖。中宵斬白馬。盟歃氣已麤。西取邛南兵。北斷

劔閣隅。布衣數十人。亦擁專城居。其勢不兩大。始

聞蕃漢殊。西卒却倒戈。賊臣互相誅。焉知肘腋禍。

小忠厚殺知道

自及梟獍徒。義士皆痛憤。紀綱亂相踰。一國實三

公。萬人欲為魚。唱和作威福。孰肯辨無辜。眼前列

粗械。背後吹笙竽。談笑行殺戮。賤血滿長衢。到今

用鉞地。風雨聞號呼。鬼妾與鬼馬。色悲充爾娛。國

家法令在此。又足驚吁。賤子且奔走。三年望東吳。

孤矢暗江海。難為遊五湖。不忍竟舍此。復來雜榛

蕪入門四松在。步屨萬竹疎。舊犬喜我歸。低徊入  
木蘭詩句法衣裾鄰里喜我歸。沽酒攜胡蘆。大官喜我來。遣騎  
問所須。城郭喜我來。賓客隘邨墟。天下尚未寧。健  
兒勝腐儒。飄飄風塵際。何地置老夫。於時見疣贅。  
骨髓幸未枯。飲啄愧殘生。食薇不敢餘。

四松

四松初移時。大抵三尺強。別來忽三歲。離立如人  
長。會看根不拔。莫計枝凋傷。幽色幸秀發。疎柯亦  
昂藏。所插小藩籬。本亦有隄防。終然振撥損。得愧  
千葉黃。敢為故林主。黎庶猶未康。避賊今始歸。春

草滿空堂。覽物歎衰謝。及茲慰淒涼。清風為我起。  
灑面若微霜。足為送老資。聊待偃蓋張。我生無根  
蒂。配爾亦茫茫。有情且賦詩。事跡可兩忘。勿矜千  
載後。慘澹蟠穹蒼。

暇日小園散病將種秋菜督勤耕牛兼書

觸目

不愛入州府。畏人嫌我真。及乎歸茅宇。傍舍未曾  
嗔。老病忌拘束。應接喪精神。江邨意自放。林木心  
所欣。秋耕屬地濕。山雨近甚勻。冬菁飯之半。牛力  
晚來新。深耕種數畝。未甚後四鄰。嘉蔬既不一。名

數頗具陳。荆巫非苦寒。採擷接青春。飛來雙白鶴。暮啄泥中芹。雄者左翮垂。損傷已露筋。一步再流血。尚驚矰繳勤。三步六號叫。志屈悲哀頻。鸞鳳不相待。側頸訴高旻。杖藜俯沙渚。為汝鼻酸辛。

述古

市人日中集。於利競錐刀。置膏烈火上。哀哀自煎熬。農人望歲稔。相率除蓬蒿。所務穀為本。邪贏無乃勞。舜舉十六相。身尊道何高。秦時任商鞅。法令如牛毛。

古今治亂判於此。此議論之純乎。純者謂作詩必斥議論。豈通論耶。

送重表姪王砮評事使南海

砮音傳。郭璞江賦云。砮崖鼓作。又音厲。

我之曾祖姑。爾之高祖母。爾祖未顯時。歸為尚書

婦。隋朝大業末。房杜俱交友。長者來在門。荒年自

餬口。家貧無供給。客位但箕帚。俄頃羞頗珍。寂寥

人散後。入怪鬢髮空。吁嗟為之久。自陳剪髻髮。鬻

市充盃酒。上云天下亂。宜與英俊厚。向竊窺數公。

經綸。亦俱有。次問最少年。虬髯十八九。子等成大

名。皆因此人手。下云風雲合龍虎。一吟吼。願展丈

夫雄。得辭兒女醜。秦王時在坐。真氣驚戶牖。及乎

貞觀初。尚書踐台斗。夫人常肩輿。上殿稱萬壽。六

宮師柔順。法則化妃。后至尊均。嫂叔盛事。垂不朽。

以上○敘親戚而追○述當時之事

鳳雛無凡毛。五色非爾曹。往者胡作逆。乾坤沸嗷

嗷。吾客左馮翊。爾家同遁逃。爭奪至徒步。塊獨委

點化○參錯

蓬蒿。逗留熱爾腸。十里却呼號。自下所騎馬。右持

變化

腰間刀。左牽紫遊韁。飛走使我高。苟活到今日。寸

心銘佩牢。亂離又聚散。宿昔恨滔滔。水花笑白首。

春草隨青袍。廷評近要津。節制收英髦。北驅漢陽

接○入○使○南○海

傳。南泛上瀧舫。家聲肯墜地。利器當秋毫。番禺親

家聲○收○應○前○文○此○作○法○也

賢領。籌運神功操。大夫出盧宋。寶貝休脂膏。洞主

大夫○謂○李○勉○言○勉○可○繼○盧○奐

降接武海。胡舶千艘。我欲就丹砂。跋涉覺身勞。安

宋璟○而出○其上○也

丹○交○趾○有○丹○砂○故○以

遊仙 你○結 亦 送 人 一○體

能陷糞土有志乘鯨鼇。或驂鸞騰天。聊作鶴鳴臯。

按史王珪母李氏非杜而珪於建成亡後太宗始名用之後為禮部尚書與篇中所云絕不相合起手云歸為尚書婦又是妻而非母而貞觀時亦無他人王姓而踐台斗者少陵述曾祖姑不應不實存以闕疑可也

望嶽 此衡嶽即

南嶽配朱鳥。秩禮自百王。歛吸領地靈。鴻洞半炎

赤帝其精○為朱鳥

方。邦家用祀典。在德非馨香。巡狩何寂寥。有虞今

則亡。洎吾隘世網。行邁越瀟湘。渴日絕壁出。漾舟

早○日○也

清光傍。祝融五峰尊。峰峰次低昂。紫蓋獨不朝。爭

晉司徒魏舒女

長嶻相望。恭聞魏夫人。羣仙夾翱翔。有時五峰氣

散風如飛。霜牽迫恨脩途未暇杖。崇岡歸來覲命

駕沐浴休玉堂。三歎問府主曷以贊我皇。牲璧忍

封內山川府主祭之一

衰俗神其思降祥。

靈光縹緲氣象肅穆漢人練時日帝臨等章是此詩原本

杜詩偶評卷一終

